

clesia olim Sancti Joannis Pisauri in Territorio Civitatis Pisauri. respective bonas, proprietates, jura, & pertinentias universas, ad hanc annum canonem, seu canones certae quantitatis frumenti praed. Cappella S. Mariae de Bodio ratione dd. Terrenorum dell' otto vulgo nuncupatorum, ut praemittitur, debitos, ac primodictam medietatem memorati Molendini veteris nuncupati ad dictam Cappellam in Territorio Terrae Mondolfi spectantem, & quinque octavas partes alterius molendini praedicti delle Cone appellati ad dictam Ecclesiam S. Anastasii de Scapezano pertinentes, Ecclesiam quoque S. Joannis in Valle in Curia de Montenovio cum omnibus, & singulis illius bonis, rebus, proprietatibus, juribus, & pertinentiis universis ad memoratam de Saxoferrato cum responsionis centum; Ac demum S. Marci Fanen. ac in Territorio Civitatis Senogalliae, & Villa de Filetto postquam S. Mariae de Filetto Parochiales Ecclesias similiter cum omnibus, & singulis earum bonis, rebus, proprietatibus, juribus, & pertinentiis universis, necnon omnia, & singula Ecclesiae olim S. Joannis de Senogallia bona, res, proprietates, jura, & pertinentias universas ad supra dictam Fanen. respective nuncupatas Praeceptorias, seu Commendas a Nobis erectas, & institutas cum responsionis centum quinquaginta scutorum monetae Romanae communi arario dicti Hospitalis per dilectos filios Praeceptores, seu Commendatarios trium Praeceptoriarum, seu Commendarum hujusmodi nunc, & pro tempore existentes annuatim respective praestandorum onere spectare, & pertinere, ipsisque tribus Praeceptoribus per Nos erectis, & institutis respective perpetuo concessa, applicata, & appropriata esse, & censeri debere tenore praesentium declaramus, ac decernimus, & constituimus.

Decretum irritans.

§.3. Decernentes pariter easdem praesentes literas, & in eis contenta quaecumque etiam ex eo, quod praedicti Praeceptores, seu Commendatarii, necnon dilecti pariter filii Magnus Magister, & Conventus, ac Consilium, & fratres quicumque memorati Hospitalis, alique quilibet, & speciali, & individua mentione, & expressione digni in praemissis interesse habentes, seu habere quomodolibet praetendentes illis non consenserint, nec ad ea vocati, & auditi, neque causae propter quas praesentes emanarunt adductae, verificatae, aut justificatae fuerint, aut ex alia quacumque quantumvis legitima, pia, juridica, & privilegiata causa, colore, praetextu, & capite etiam in corpore juris clauso, & etiam enormis, enormissimae, & totalis lesionis, nullo unquam tempore de subreptionis, vel obreptionis, aut intentionis nostrae, vel interesse habentium consensus, aliove quolibet quantumvis magno, substantiali, & individua expressionem requirente defectu notari, impugnari, invalidari, restringi, retractari, in controversiam revocari, ad terminos juris reduci, aut adversus illas

aperitis oris, restitutionis in integrum, aliudve quodvis juris, facti, vel gratiae remedium impetrari, seu etiam motu, scientia, & potestatis plenitudine paribus concessio quempiam in iudicio, vel extra illud uti, seu se juvari posse, neque ipsas praesentes literas sub quibuscumque similibus, vel dissimilibus declarationum, decretorum, & gratiarum revocationibus, limitationibus, restrictionibus, aliisque contrariis dispositionibus, etiam per Nos, & Romanos Pontifices Successores nostros, Sedemque Apostolicam quomodocumque faciendis ullatenus comprehendi, seu comprehensas censerit, sed semper ab illis exceptas, & quoties illae emanabunt, toties in pristinum, & validissimum statum restitutas, & plenarie reintegratas, ac etiam sub posteriori data per eos, ad quos pro tempore spectabit eligenda de novo concessas, firmasque, validas, & efficaces existere, & fore, ac suos plenarios, & integros effectus sortiri, & obtinere, & illis ad quos spectat, & pro tempore quandocumque spectabit plenissime suffragari; Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac S.R.E. Cardinales etiam de latere Legatos, necnon quoscumque Tribunalia Hospitalis praedicti, & alios quoslibet quavis auctoritate, & potestate fungentes, & quandocumque functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.4. Non obstantibus quatenus opus sit praedictis nostris literis, ac omnibus, & singulis, quae in illis volumus non obstat, caeterisque contrariis quibuscumque.

Datum Romae apud S. Mariam Majorem sub Annulo Piscatoris, die 28. Novembris 1658. Pontificatus nostri Anno IV.

Contraria tollit.

Dat. die 24. Nov. 1658. An. IV.

CCXVII.

Mandatum Provinciali Provinciae Turonae Pictanen. Ordinis Fratrum Minorum S. Francisci de Observantia, ut nonnulla Decreta, Rescripta, & Brevia a Perturbatoribus observari faciat.

Ex Regest. in Secret. Brevis.

ALEXANDER PAPA VII.

Ad futuram rei memoriam.

§.1. N Omine dilectorum filiorum totius Definitorii, necnon omnium Superiorum, etiam Reformatorum Provinciae Turonae Pictanen. Ordinis Fratrum Minorum Sancti Francisci de Observantia nuncupatorum Nobis nuper exponi fecit dilectus pariter filius Guillelmus Troulliet Frater expressae professus, & Procurator ejusdem Provinciae, quod alias ad sedandam quandam rebellionem per dilectos

Recenset decreta alias emanata, ut compelleretur impetus quorundam Fratrum Ordinis S. Francisci de Observantia Turonae Pictanen.

Stos etiam filios Josephum le Balleur, Egidium Noble, Joannem Jagu, Julianum Brault, Bonaventuram Philippon, & nonnullos forsitan alios dictae Provinciae Fratres publicae quietis perturbatores in Provincia hujusmodi suscitatos, & per biennium integrum cum maximo totius Ordinis praedicti scandalo continuatam, Congregatio Venerabilium Fratrum nostrorum Sanctae Romanae Ecclesiae Cardinalium negotiis, & consultationibus Episcoporum, & Regularium praeposita duos ex supra dictis, qui ad hanc almam Urbem accesserant, ad suam Provinciam, tanquam Apostatas, & rebelles, per decretum die 11. Januarii proxime praeteriti remisit, & deinde Capitulum Provinciale dictae Provinciae in Conventu de Sattenay die 20. Octobris 1657. celebratum quod iidem rebelles impugnare praetendebant, per aliud Decretum die 24. Maii proxime elapsi approbavit, quod etiam postea per quasdam nostras in simili forma brevis literas die 17. Junii subsequenter expeditas confirmatum fuit. Ac subinde supra dictis rebellibus, qui hic insistant pro obtinenda facultate mittendi duos alios eadem Congregatio per rescriptum die 5. Julii proxime praeteriti emanatum specialiter inhibuit, ne attempta duorum expulsiōne alios pro eadem causa ad Urbem accedere permitterent, & postmodum per aliud Decretum die 23. Augusti subsequenter editum quoddam concordatum in Castello Domini temporalis Oppidi Clissi inter dilectos filios Ministrum Provinciale, & duos Definitores dictae Provinciae ex una parte, & praefatum Josephum le Balleur, nonnullosque illi adherentes ex altera irritum, tanquam ambitionis fomentum, & tranquillitatis dissidium cassavit, & annullavit; praecipiendo omnibus Provinciae praedictae Fratribus, ut in omnibus statuta Ordinis, Provinciae hujusmodi servarent; ac demum eisdem rebellibus per aliud Decretum die 27. Septembris proxime praeteriti emanatum super praesentia erectione Custodiae perpetuum silentium imposuit.

Supplicatio.

§.2. Cum autem, sicut eadem expositio subiungebat a Definitorio Generali dicti Ordinis Matriti congregato, auditis ex utraque parte rationibus, decretum fuerit die 27. Junii proxime elapsi contra petitionem supra dicti Josephi le Balleur, quod Definitorium Provinciae non tenebatur eligere Guardianos Conventuum reformatorum ad eorumdem reformatorum postulationem, sed quod satis erit, si eligantur ex reformatis, qui tunc temporis erunt in Conventibus reformatis, & per biennium proxime praecedens laudabiliter vixerint; quodque Minister Provincialis per se ipsum poterit Reformatorum Conventus visitare nisi aliter in Domino judicaverit expedire; quo casu Definitorem Reformatorum, aut alium ex reformatis deputare tenebitur. Cumque Venerabilis Frater noster Franciscus Episcopus Portuen. ejusdem Sanctae Romanae Ecclesiae Cardinalis Barberinus nuncupatus dicti Ordinis apud Nos, & Se-

Bull. Rom. Tom. VI. Par. IV.

dem Apostolicam Protector Decretum hujusmodi die 19. Octobris proxime elapsi sua, & memoratae Congregationis auctoritate confirmaverit; praedicti vero rebelles omnibus praemissis non obstantibus, in sua rebellionem pertinaciter durent, & spretis dictae Congregationis decretis, etiam auctoritate, ab eisdem praemissis appellare ausi fuerint, Nobis propterea d. Guillelmus humiliter supplicari fecit, ut in praemissis opportune providere de benignitate apostolica dignaremur.

Mandat Provinciali Provinciae Turonae S. Francisci de Observantia ab inquisitis, & perturbatoribus observari faciat.

§.3. Nos igitur eundem Guillelmum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, de praefata Congregationis Cardinalium consilio, attentis narratis, ut omnino praefatae memoratae Provinciae perturbatores, & omnes alii, si qui forsitan existunt, eorum fautores, & adherentes tandem aliquando compescantur, & pax, & tranquillitas dictae Provinciae restituatur, & conservetur, dilecto filio Ministro Provinciali ejusdem Provinciae auctoritate apostolica tenore praesentium stricte injungimus, ut omnia supra enunciata Decreta, Rescripta, & Litteras Apostolicas in forma Brevis desuper emanatas a praefatis Fratribus perturbatoribus, omnibusque aliis, ad quos spectat, seu spectabit observari faciat sub poenis in eis contentis, ac etiam Ecclesiasticis censuris omnimode observari curet, mandat, & praecipiat, super ex adverso praetensis perpetuum silentium imponendo.

§.4. Non obstantibus praemissis, ac Constitutionibus, & Ordinationibus Apostolicis, caeterisque contrariis quibuscumque.

Datum Romae apud S. Mariam Majorem sub Annulo Piscatoris, die 2. Decem. 1658. Pontificatus nostri Anno IV.

Contrariis derogat.

Dat. die 2. Dec. 1658. An. IV.

CCXVIII.

Confirmatio Decreti Congregationis Immunitatis, quod pro elemosynis frumenti, vini, lanae, & similibus tam datis, quam receptis pro victu Fratrum Minorum S. Francisci de observantia, non sit solvenda gabella.

Ex Regest. in Secret. Brevis.

ALEXANDER PAPA VII.

Ad futuram rei memoriam.

§.1. Emanavit nuper a Congregatione Venerabilium Fratrum nostrorum S. R. E. Cardinalium Immunitati Ecclesiasticae, & controversiis jurisdictionibus praeposita Decretum tenoris, qui sequitur, videlicet Sacra Congregatio Eminen-

Recenset Decretum Congregationis Immunitatis.

L I a tiffi.

tiffimorum, & Reverendissimorum Dominorum Cardinalium Immunitati Ecclesiasticae, & jurisdictionibus controversiis preposita, censuit pro eleemosynis frumenti, vini, lanae, & similibus, tam datis, quam receptis pro victu, & vestitu Fratrum Ordinis S. Francisci Minor. de Observantia non esse solvendam gabellam. Die 12. Novembris 1658.

M. Card. Ginettus.
B. Roccius Sacrae Congregationis Secretarius.

Quod confirmat Pontifex.

§.2. Cum autem, sicut subinde pro parte prefatorum Minorum Ordinis S. Francisci de observantia nuncupatorum Nobis expositum fuit, ipsi Decretum hujusmodi pro firmiori illius subsistentia, & observatione apostolica confirmationis nostrae patrocinio communiti summopere desiderant: Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum presentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati. Decretum praesertim auctoritate apostolica tenore presentium confirmamus, & approbamus, illique inviolabilis apostolicae firmitatis robur adiciamus: Salva semper in praemissis auctoritate praefatae Congregationis Cardinalium.

Clausula sublata, & Decretum irritans.

§.3. Decernentes easdem presentes litteras semper firmas, validas, & efficaces existere, & fore, ac illis, ad quos spectat, & pro tempore, quandocumque spectabit, plenissime suffragari: Sicque in praemissis per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.4. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscumque.

§.5. Volumus autem, ut presentium transcriptis, manu alicujus Notarii publici subscriptis, & sigillo personae in ecclesiastica dignitate constitutae munitis eadem prorsus fides ubique locorum tam in iudicio, quam extra adhibeatur, quae ipsis presentibus adhiberetur, si forent exhibitae, vel ostensa.

Dat. die 2. Dec. 1658. An. IV.

Datum Romae apud S. Mariam Majorem sub Annulo Pisc. die 2. Decembris 1658. Pontificatus nostri Anno IV.

Facultas Restori, & Sapientibus Operae Metropolitanae Ecclesiae Senen., demolendi Domum Archiepiscopalem Senen., & pro Archiepiscoporum habitatione assignandi Domum ejusd. Operae.

Ex Regest. in Secret. Brev.

ALEXANDER PAPA VII.

Ad futuram rei memoriam.

EXponi Nobis nuper fecerunt dilectissimi Restor, & Sapientes operae Metropolitanae Ecclesiae Senen., quod cum Domus Archiepiscopalis Senen., quae eidem Ecclesiae a latere contigua existit eum in statum redacta reperiatur, ut inhabitabilis sit, eiusque ruina nequeat evitari, ipsi exponentes dictae Ecclesiae, publicumque decorem notabiliter auctum iri credunt, si eadem Domus destruat, & illa pars faciei exterioris Ecclesiae praedictae, cui dicta Domus Archiepiscopalis adharet, incrustationibus marmoreis, sicut reliqua facies exterior ipsius Ecclesiae ornatur, scilicet ab eadem parte construantur similes illis, quae ab anteriori ejusdem Ecclesiae parte existunt.

Supplicatio.

§.1. Cum autem, sicut eadem expositio subjungebat, Venerabilis Frater modernus Archiepiscopus Senen., qui, ut dicti exponentes asserunt, in propria domo sua habitat, Domus Archiepiscopalis praedictae demolitioni consentiat, ipsique exponentes ad demolitionem domus hujusmodi devenire, & pro futurorum Archiepiscoporum Senen. habitatione domum, operae supra dictae donec iidem Archiepiscopi de convenientiori habitatione providerint assignare plurimum desiderent: Nobis propterea iidem exponentes humiliter fecerunt, ut sibi in praemissis opportune providere de benignitate apostolica dignaremur.

Concedit ut demolatur Domus Arch. Senen. illiusq. materialium. pretia in Ecclesiae usus convertatur.

§.2. Nos igitur specialem dictis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt ad effectum presentium dumtaxat consequendum harum serie absolventes, & absolutas fore censentes, hujusmodi supplicationibus inclinati, eisdem exponentibus, ut praedictam domum Archiepiscopalem memoratae Ecclesiae contiguam demoliri curare, necnon ejusdem domus tigna, rudera, & materiam omnem vendere, ac pecunias inde proventus in dictae Ecclesiae usus, & ornatum convertere, & erogare, & pro futurorum Archiepiscoporum Senen. habitatione, praedictam domum operae, donec illis de alia congruentiori habitatione, providerint, assignare, de praedicti tamen moderni Archiepiscopi, coetrorumque in praemissis interesse habentium respective consen-

consensu libere, & licite possint, & valeant, quamcumque necessariam, & opportunam facultatem, & licentiam auctoritate apostolica tenore presentium concedimus, & impertimur.

Contractis derogat.

§.3. Non obstantibus praemissis, necnon, quatenus opus sit se: record. Pauli Secundi, & aliorum Romanorum Pontificum praedecessorum nostrorum de rebus Ecclesiae non alienandis, & aliis Constitutionibus, & Ordinationibus apostolicis, ac dictae Metropolitanae Ecclesiae, & aliis quibusvis etiam juramento, confirmatione apostolica, vel quavis firmitate alia roboratis statotis, & consuetudinibus, privilegiis quoque indultis, & literis apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficiente expressis, ac de verbo ad verbum insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Dat. die 3. Dec. 1658. An. IV.

Datum Romae apud S. Mariam Majorem, sub Annulo Piscatoris die 3. Decemb. 1658. Pontificatus nostri Anno IV.

CCXX.

Ex Regest. in Secret. Brev.

Donativum extraordinarium Regni Siciliae scutorum 100. m. pro Rege Catholico pro una vice tantum.

Ven. Frater Archiepiscopo Montis Regalis.

ALEXANDER PAPA VII.

Ven. Frater salutem, & apostolicam benedictionem.

Exordium.

EXponi Nobis nuper fecit Charissimus in Christo filius noster Philippus Hispaniarum Rex Catholicus, quod cum dilecti filii tres hominum status, seu tria Brachia Ecclesiasticum, militare, & Demaniale nuncupata Regni Siciliae ultra Pharium, cujus ipse Philippus etiam Rex existit de mense Julii hujus anni 1658. eidem Philippo Regi occasione nativitatis ejus filii Hispaniarum Principis donativum extraordinarium centum millium scutorum expendorum pro munitione Civitatum, Terrarum, & locorum dicti Regni, ac sub certis terminis, modoque, & forma, & pro hac vice dumtaxat exigendum obtulerint: Venerabiles quoque fratres Archiepiscopi, Episcopi, ac Archimandrita, & aliae Ecclesiasticae personae dicti Regni certam ratam non excedentem sextam partem praedictorum centum millium scutorum solvendorum, ut praemittitur, sponte sua in eisdem Comitibus accedente tamen ad hoc Nostro, & Sedis Apostolicae beneplacito perfolvere obtulerunt, & forsitan etiam perfolverunt.

§.1. Cum autem, sicut eadem expositio

subjungebat ex eo praesertim quod per Lateranense Concilium novissime celebratum, diversaeque alias canonicae Sanctiones sub certis censuris, & poenis caveatur expresse, ne Reges, Principes, & alii Potentatus ab Archiepiscopis, Episcopis, Abbatibus, & aliis personis Ecclesiasticis etiam sponte offerent, aliquam pecuniarum summam, sive subventionem recipiant, dictus Philippus Rex, ac ejus Regni illius Ministri dubitent ratam praedictam ante obtentum beneplacitum Apostolicum recipiendo, censuras, & poenas hujusmodi incurrere, & forsitan incurrisse, Nobisque propterea dictus Philippus Rex humiliter supplicari fecerit pro sua, & dictorum Ministrorum conscientiae quiete, quatenus praemissis Nostram, & hujus Sanctae Sedis auctoritatem interponere dignaremur.

§.2. Nos igitur ejusdem Philippi Regis votis, hac in re favorabiliter annuere volentes, hujusmodi supplicationibus inclinati, fraternitati tuae per praesentes committimus, & mandamus, ut conuito Tibi per legitimas probationes de expresso majoris partis Cleri, seu Archiepiscoporum, Episcoporum, & aliarum personarum Ecclesiasticarum secularium, & cujusvis Ordinis Regularium dicti Regni consensu, & quod reliqui, vel reliqua personae non consentientes vocati, & vocata fuerint, oblationi, & promissioni, necnon solutioni per Archiepiscopos, Episcopos, & Archimandritam, ac alias personas Ecclesiasticas factis pro hac vice tantum, Nostram, & Sedis praedictae auctoritatem vigore presentium interponas, ipsosque Archiepiscopos, Episcopos, & alias personas hujusmodi etiam si sint de illis, quae pro minori Cleri parte praemissis non consenserint, ad ea tamen vocati, & vocata fuerint, ad solutionem eorum ratae opportunis juris, & facti remediis cogas, & compellas. Et nihilominus Archiepiscopis, Episcopis, & Archimandrita, aliisque Ecclesiasticis personis praedictis, ut ratam hujusmodi per eos, ut praemittitur, obtinere, & promissam perfolvere, ac dictus Philippus Rex, & ejus Ministri eam petere, & recipere absque conscientiae scrupulo, seu censurarum, & poenarum praedictarum incurfu libere, & licite valeant auctoritate nostra concedere, & indulgeas, ipsosque Archiepiscopos, Episcopos, & Archimandritam, aliasque personas Ecclesiasticas, & earum singulas, & quatenus ipsi dictam ratam jam promiserint, & solverint, necnon eundem Philippum Regem, ejusque Ministros praedictos, si eandem ratam jam perceperint ab omnibus, & singulis censuris, & poenis propterea quomodolibet incurfis eadem auctoritate absolvas, & absolutos fore censeas, & declares. Et quod omnes, & singuli pensionarii, seu ii, quibus loco pensionum fructus in totum, vel in partem reservati existunt, cujuscumque dignitatis, vel conditionis sint, exceptis tamen S. R. E. Cardinalibus ad hujusmodi ratae solutionem in omni

Per Concilium Lateranense, vicitur est Pontificatus aliquid subventionis nomine ab Ecclesiasticis etiam sponte offerent exigere absque Apost. beneplacito.

Annuit Pontifex tali subventioni voluntarie faciente Regni Catholico per eccles. facticos.

Excipiunt tamen ab hac subventionem S. R. E. Card.

Omnibus, & per omnia perinde acsi nominatim ratam eandem se soluturos obtulissent, clausulis, & decretis in literis apostolicis reservationum, pensionum, & fructuum hujusmodi etiam consistorialiter appositis, & quod dicta pensiones ab omni decima, subsidio charitativo, & quovis alio onere tam ordinario, quam extraordinario quavis auctoritate etiam pro expeditione tam offensiva, quam defensiva contra Turcas, & alios infideles, & Reipublice Christiane hostes ab illorum conatibus defensione, seu inexcogitabili causa a Romano Pontifice pro tempore existente etiam ad Imperatoris Regum, Ducum, & aliorum instantiam, illorumque contemplatione, & intuitu, etiam motu proprio, & ex certa scientia impositis, & imponendis, aut alias qualitercumque exempta sint nequaquam obstant, teneantur, & efficaciter obstricti sint, ipsique Archiepiscopi, Episcopi, & Archimandrita, aliaque personae, quarum Ecclesiae, Monasteria, & alia beneficia Ecclesiastica annuis pensionibus, apostolica auctoritate assignatis gravata, & onerata sunt, ratam pensionariorum suorum, seu eorum, quibus fructus hujusmodi sunt reservati solvere, & illud quod pro ipsis pensionariis, seu iis, quibus fructus hujusmodi sunt reservati, vere, & realiter, ac quacumque fictione cessante persolverint, sua propria auctoritate postmodum penes se retinere possint, nec propterea sententias, censuras, & poenas in eisdem Pensionum reservationibus contentas incurrant, eadem auctoritate decernas.

Contraria refellit.

§.3. Non obstantibus praemissis, ac quibusvis Constitutionibus, & Ordinationibus Apostolicis, necnon Ecclesiarum, Monasteriorum, & Beneficiorum hujusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque indultis, exemptionibus, immunitatibus, etiam in corpore juris clausis, ac literis Apostolicis quibusvis generaliter, vel specialiter concessis, necnon literis reservationum, pensionum, & fructuum hujusmodi, ac quibusvis obligationibus, etiam in forma Camerae, etiam cum juramento, ac censurarum, & mandati executivi susceptione, vel alias desuper factis, etiam si de illis, eorumque totis tenoribus de verbo ad verbum mentio, seu quavis alia expressio habenda sit, & in ea caveatur expresse, quod per hujusmodi clausulas generales, etiam mentionem specialem importantes eis derogatum esse non censetur, aut derogari non videatur, nisi certis modo, & forma in illis expressis plene observatis. Quibus omnibus eorum tenores praesentibus pro expressis habentes, illis alias in suo robore permansuris ad praemissorum effectum, & hac vice dumtaxat specialiter, & expresse derogamus, ceterisque contrariis quibuscumque.

§.4. Ceterum volentes providere, ne pauperes Ecclesiastici ad contributionem hujusmodi graventur, Te hortamur atten-

te, & in virtute sanctae obedientiae tibi mandamus, quatenus pauperes Ecclesiasticos, qui in redditibus annuis nihil, aut parum etiam usque ad valorem decem unciarum scuta viginti quinque monetae illius Regni constituent. inclusive habent, ad contributionem praedictam per quoscumque quavis auctoritate fungentes cogi, aut compelli nullo modo permittas.

§.4. Volumus autem, quod exactio pensionum hujusmodi ab Ecclesiasticis per personas Ecclesiasticas a dicto Philippo Rege, seu Ven: Fratre moderno Archiepiscopo Panormitano Regni praedicti Prorege nominandas, & per Te deputandas fieri debeat, invocato etiam ad hoc si opus fuerit auxilio brachii secularis: Quod si secus in aliquo praemissorum factum fuerit, qui contraverint, in poenas, & censuras incurrant, perinde acsi praesentes literae emanassent; quodque etiam praesentium transumptis etiam impressis manu alicujus Notarii publici subscriptis, & sigillo personae in dignitate constitutae munitis, eadem prorsus fides in Judicio, & extra in omnibus, & per omnia adhibeatur, quae ipsis praesentibus adhiberetur, si forent exhibitae, vel offensa.

Datum Romae apud S. Mariam Majorem sub Annulo Piscatoris, die 6. Decemb. 1658. Pontificatus Nostri Anno IV.

Pauperes Ecclesiastici a praed. solutione sunt exempti.

Exactio committitur.

Transumptum fides.

Dat. die 6. Dec. 1658. An. IV.

CCXXI.

Quod nullus particularis Religiosus Congregationis Canoniorum Regularium S. Augustini Portugalliae possit de cetero impetrare a Sede Apostolica quamvis gratiam concernentem commune regimen. d. Congregationis sine consensu, & speciali licentia Capituli Generalis sub poena nullitatis similis gratiae.

Ex Regest. in Secret. Breve.

ALEXANDER PAPA VII

Ad perpetuam rei memoriam.

§.1. CUM sicut dilecti filii Superior Generalis, & Definitorum Congregationis Canoniorum Regularium Sancti Augustini Regni Portugalliae Nobis nuper exponi fecerunt nonnulli particulares dictae Congregationis Canonici suapte sponte propria auctoritate a Sede Apostolica multoties impetrarint, soleantque impetrare varias gratias, & indulta communitate ejusdem Congregationis regimen concernentia, e quibus experientia docuit nonnulli discordias, perturbationes, animorumque alienationes cum maximo disciplinae regularis detrimento provenire; Nobis propterea dicti Exponentes humiliter supplicari fecerunt, ut in praemissis opportune providere de benignitate Apostolica dignaremur.

Supplicatio.

§.2. Nos igitur incommodis, quibus ea de causa Congregatio praefata affici, posset obviam ire, ipsosque exponentes specialis

cialis favore gratiae prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, ne de cetero perpetuis futuris temporibus quicumque dictae Congregationis Canonici particularis a praefata Sede indulgentiam, seu gratiam concernens commune ejusdem Congregationis regimen, & gubernium absque speciali Capituli Generalis ejusdem Congregationis licentia, & consensu quoquo modo impetrare possit, audeat, vel praesumat apostolica auctoritate tenore praesentium statuimus, & ordinamus.

Contraria reicit.

§.3. Decernentes irritum, nullum, & inane, si quid secus a quoquam contra tenorem praesentium contigerit attentari, vel impetrari.

§.4. Non obstantibus Constitutionibus, & Ordinationibus Apostolicis, ac dictae Congregationis, etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Dat. die 9. Dec. 1658. An. IV.

Datum Romae apud S. Mariam Majorem sub Annulo Piscatoris, die 9. Decemb. 1658. Pontificatus nostri Anno IV.

CCXXII.

Commissio Inquisitori Melevitano super concessione facultatis imponendi contributionem trium scutorum super qualibet Salma terreni in Insula Gaudisii Hospitalis S. Joannis Hierosolimitani.

Ex Regest. in Secret. Breve.

Dilecto filio Inquisitori adversus haereticam pravitatem in Insula Melevitana a Nobis deputato.

ALEXANDER PAPA VII.

Dilecte fili noster salutem, & Apostolicam benedictionem.

Motiva hujus Concl.

§.1. Alias pro parte tunc existentis Magni Magistri Hospitalis S. Joannis Hierosolimitani fel. rec. Urbano Pape VIII. Praedecessori nostro exposito, quod valde necesse erat Insulam Gaudisii ad eundem Magnum Magistrum, & Hospitale praedictum spectantem, crebrisque Turcarum Invasionibus obnoxiam munimentis, adversus invasions hujusmodi de cetero tutam, & quoad posset inexpugnabilem reddi; Quodque id constructo in parte ejusdem Insulae Marfalforno vulgo nuncupata munitioni per opportuna novo Propugnaculo cum evidenti Incolarum securitate, & salubri ob salubriorem inibi Coeli temperiem facile frui poterat: Verum vires commu-

nis ararii dicti Hospitalis bellis ita acciseraant, ut sumptibus ad praemissa necessariis nequaquam sufficerent: Idem Urbanus Praedecessor supplicationibus memorati Magni Magistri nomine sibi super hoc humiliter porrectis inclinatus tunc existenti Inquisitori adversus haereticam pravitatem in Insula Melevitana a se deputato commisit, & mandavit, ut veris existentibus praemissis, eidem Magistro, ut ad quinquennium dumtaxat contributionem annuam trium scutorum super qualibet Salma terreni, quod conferitur in dicta Gaudisii Insula, ad cujus quidem contributionis solutionem omnes, & singuli teneri hujusmodi possessores tam laici, quam ecclesiastici etiam cujusvis Ordinis, Congregationis, & Instituti, ac dicti Hospitalis regulares, etiam ipse Magnus Magister durante dicto quinquennio tenerentur, & opportunis juris, & facti remediis cogi possent, ita tamen, ut contributio hujusmodi in munitiones praedictae Insulae Gaudisii, & non in alios usus integre converteretur, & converti deberet, imponere valeretur, facultatem concessit, & alias prout in dicti Urbani Praedecessoris literis desuper in simili forma Brevis die 8. Augusti 1643. expeditis, quarum tenorem praesentibus pro plene, & sufficienter expresso, & verbatim inserto haberi volumus uberius continetur.

Facultatem imponendi aliam contributionem ad decennium concedit.

§.2. Cum autem, sicut dilectus filius modernus Magnus Magister Hospitalis praedicti Nobis nuper exponi fecit, dicta Insula Gaudisii nondum ita munita reperitur, ut adversus supradictorum Turcarum invasions tuta sit; nec ad id efficiendum sufficiant memorati ararii vires; ipseque Magnus Magister, quo eadem Insula adversus invasions hujusmodi tuta, & inexpugnabilis quantum fieri poterit reddatur de infra scripto subventionis auxilio a Nobis provideri summopere desideret. Nos considerantes publico interesse Insulam Gaudisii praescriptam ob ejus cum Insula Melevitana, quae maximum nedum Italiae, sed totius Reipublicae Christianae propugnaculum existit vicinitatem quacumque opportuniore ratione muniri: Necnon laudabilem ejusdem moderni Magni Magistri, qui etiam ratam contributionis infra scriptae se tangentem solvere obtulit, hac in re sollicitudinem plurimum in Domino commendantes, eumque specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, tibi per praesentes committimus, & mandamus, ut veris existentibus praemissis, dicto moderni Magistro, ut ad decennium dumtaxat contributionem annuam trium scutorum super qualibet Sal-

Et ad hanc contributionem Ecclesiasticos quos, ac laicos tenentur...

ma Terreni, quod conferitur in supradicta Gaudisii Insula, ad cuius quidem contributiones solutionem omnes, & singuli terreni huiusmodi possessores tam laici, quam ecclesiastici, & cuiusvis Ordinis, Congregationis, & Instituti, etiam dicti Hospitalis Regulares etiam ipse Magnus Magister, durante dicto decennio teneantur, & opportunitis juris, & facti remediis cogi possint, ita tamen, ut contributio huiusmodi, in munitiones dictae Insulae Gaudisii, & non in alios usus integre convertatur, & converti debeat, imponere libere, & licite possit, & valeat facultatem auctoritate nostra apostolica concedas.

Clausula sub-lata.

§.3. Non obstantibus praemissis, necnon omnibus, & singulis, quae memoratus Urbanus Praedecessor in suis literis praedictis voluit non obstat, ceterisque contrariis quibuscumque.

Dat. die 9. Dec. 1658. An. IV.

Datum Romae apud S. Mariam Majorem sub Annulo Piscatoris, die 9. Decembris 1658. Pontificatus nostri Anno IV.

CCXXIII.

Ex Regest. in Secret. Breve.

Facultas Magno Magistro, & Consilio Hospitalis S. Joannis Hierosolymitani condendi ordinationem super receptione Cappellanorum Conventualium.

ALEXANDER PAPA VII.

Ad futuram rei memoriam.

Procurator.

§.1. Exponi Nobis nuper fecerunt dilecti filii Magnus Magister, & Consilium Hospitalis Sancti Joannis Hierosolymitani, quod cum in Ecclesia Conventus ejusdem Hospitalis Fratres Cappellanos Literis eruditos semper reperiri multis gravissimis ex causis expediat, & praefertim quia ex illis Episcopus, ac Prior dictae Ecclesiae, qui prima duo suffragia in consilio Hospitalis huiusmodi habent, pro tempore assumi solent: Ipsi Magnus Magister, & Consilium (si tamen opportuna sibi hac in re facultas a Nobis, & hac Sancta Sede concedatur) ordinare destinarunt, ut quicumque Sacerdotes intra limites linguarum dicti Hospitalis nati, qui Sacerdotes Religiosi aliarum Religionum non fuerint, & Capitulis Provincialibus, seu assembleis Prioratum ejusdem Hospitalis per documenta authentica constare facient, quod in universitatibus studiorum approbati, si Theologi, duobus in Philosophia, & quatuor in Theologia, si vero Canonistae, aut Legistae fuerint, pariter quatuor annis in decretis, aut in legibus Civilibus respective studuerint, commissionem obtinere debeant, ut eorum probationes fiant, ipsique in Fratres Cappellanos Conventuales Hospitalis praedicti recipiantur: dummodo tamen ceteras qualitates a statutis, seu stabilimentis, & Ordinationibus Capitularibus Hospitalis huiusmodi auctoritate apostolica confirmatis requisitas habeant, absque

eo quod passagium communi arario ejusdem Hospitalis solvere teneantur, prout non tenebantur ante ultimum Capitulum Generale memorati Hospitalis: remanente in suo vigore quoad cetera Ordinatione 53. de Receptione Fratrum in eodem ultimo Capitulo facta. Quare iidem Magnus Magister, & Consilium Nobis humiliter supplicari fecerunt, ut sibi in praemissis opportune providere, & ut infra indulgere de benignitate Apostolica dignemur.

§.2. Nos igitur ipsum Magnum Magistrum, & Consilium specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, huiusmodi supplicationibus inclinati, praefatis Magno Magistro, & Consilio, ut, licet nulli Presbyteri, nisi in Insula Meliten. orti, seu oriundi, in Fratres Cappellanos Conventuales Hospitalis praedicti haecenus admissi fuerint, nihilominus ipsi Magnus Magister, & Consilium praemissa, quae ordinare destinarunt, modo, & forma supra expressis perpetuo constituere, & ordinare libere, licite, & valide possint, & valeant, hoc tamen addito, ut in Fratres Cappellanos Conventuales dicti Hospitalis vigore Ordinationis, & Constitutionis in vim praesentium faciendae recipiendi, non nisi eorum riguroso examine, & in illo approbatione praevius, recipiantur, plenam, & amplam facultatem auctoritate apostolica earumdem tenore praesentium concedimus, & impertimur.

§.3. Decernentes Ordinationem, & Constitutionem huiusmodi postquam a memoratis Magno Magistro, & Consilio, sicut praemittitur facta fuerit, firmam, validam, & efficacem fore, ac ab illis, ad quos pro tempore quodcumque spectabit, inviolabiliter observari, & illis respective plenissime suffragari; sicque in praemissis per quoscumque Judices ordinarios, & delegatos, etiam causarum Palatii Apostolici Auditores, dictique Hospitalis Tribunalia quaelibet judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.4. Non obstantibus praemissis, ac Constitutionibus, & Ordinationibus Apostolicis, necnon ejusdem Hospitalis, ejusque linguarum, & Prioratum quorumvis, & aliis quibuslibet, etiam juramento, confirmatione apostolica, vel quavis firmitate alia roboratis statutis, & consuetudinibus, stabilimentis, usibus, & naturis, ac Ordinationibus Capitularibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentium

Dae facultatem recipiendi in Cappellanos Conventuales alios extra Insulam Meliten oriundos Sacerdotes.

Prævis tamquam examinae, & approbat.

Decretum irritans.

Contraria rejicit.

praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum hac vice specialiter, & expresse derogamus, ceterisque contrariis quibuscumque.

Dat. die 10. Dec. 1658. An. IV.

Datum Romae apud S. Mariam Majorem sub Annulo Piscatoris, die 10. Dec. 1658. Pont. nostri Anno IV.

CCXXIV.

Ex Regest. in Secret. Breve.

Confirmatio Ordinationum in pluribus Capitulis Generalibus Ordinis Fratrum, Praedicatorum factarum, ne quis Religiosus sub gravius culpa, ac etiam excommunicationis latae sententiae Magistro Generali reservata directe divisionem dicti Ordinis, vel Institutionem Vicarii Generalis Indiarum quovis praetextu procuret.

ALEXANDER PAPA VII.

Ad futuram rei memoriam.

Procurator.

Militantis Ecclesiae Regimini, meritis licet imparibus, divina dispositione praesidentes, illis, quae pro felici Sacrarum Religionum in eadem Ecclesia pie, sapienterque institutam uberesque, benediciente Domino, fructus jugiter preferentium dilectione, & gubernio provide constitutae sunt, libenter cum a Nobis petitur apostolice muniminis adjungimus firmitatem.

Supplicatio.

§.1. Exponi siquidem Nobis nuper fecit dilectus filius Magister Generalis Ordinis Praedicatorum, quod ad avertendam ejusdem Ordinis divisionem, retinendamque illius unionem, quam ab ipsa sui institutione ad haec usque tempora sub unius Superioris Generalis directione servavit, facta fuerunt a diversis ipsius Ordinis Capitulis Generalibus Ordinationes tenoris, qui sequitur, videlicet.

§.2. In Capitulo Generali Romae 1683. sic dicitur. Ordinamus de communi totius Ordinis consensu, & prohibemus, quod nullus procuret Ordinis divisionem sub poena excommunicationis latae sententiae, ac aliis poenis gravius culpa, a quibus possit absolvi, nisi a Magistro Ordinis; Mandamusque sub eadem poena, quod nullus procuret institutionem Vicarii Generalis Indiarum. Quod idem Romae 1589. Venetiis 1592., & interim Romae 1601., & Parisiis 1611., & Ulisipone 1618., & ultimo Mediolani 1622. his verbis confirmatur. Confirmamus Ordinationem Romae, Venetiis, Parisiis, & Ulisipone factam, & confirmatam, ne scilicet ullus, sub poenis in Capitulo de gravius culpa contentis, ac etiam sub poena excommunicationis latae sententiae, hac una pro trina Canonica monitione praemissa (cujus absolutio Rmo Magistro Ordinis reservatur) directe, vel indirecte divisionem Ordinis, vel Institutionem Vicarii Generalis Indiarum quovis

Bull. Rom. Tom. IV. Par. IV.

praetextu audeat, vel praesumat procurare.

§.3. Cum autem, sicut eadem Expositio subjungebat, dictus Magister Generalis exponens Ordinationes huiusmodi pro firmiori illarum subsistentia, & observatione apostolicae confirmationis nostrae robore, communiri summopere desideret: Nos ipsum Magistrum Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati Ordinationes praesentis auctoritate apostolica tenore praesentium confirmamus, illisque inviolabilis apostolicae firmitatis robur adiciamus, ac omnes, & singulos juris, & facti defectus, si qui quomodolibet intervenerint in eisdem supplemus.

§.4. Decernentes easdem praesentes literas, & praesentis Ordinationis semper firmas, validas, & efficaces existere, & fore, ac ab illis, ad quos spectat, & pro tempore quodcumque spectabit inviolabiliter observari; Sicque in praemissis per quoscumque Judices ordinarios, & delegatos, etiam causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.5. Non obstantibus Constitutionibus, & Ordinationibus Apostolicis, necnon quatenus opus sit dicti Ordinis ejusque Provinciae, & Conventuum quorumvis, & aliis quibuslibet, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris, die 16. Dec. 1658. Pontificatus nostri Anno IV.

Ordinationes a Capitulis Generalibus factas confirmat Pontifex.

Sic ab omnibus iudicari mandat.

Contraria derogat.

Dat. die 16. Dec. 1658. An. IV.